

陳朝錠字元之閩縣人隆慶初以恩貢入成均領
順天庚午鄉薦歷象山知縣崖州知州投牒歸抵
家猶轉永寧府同知或勸之行竟不出朝錠爲都
御史達子世其庶靜澹然如水歷官二十載貧不
異諸生時而不自苦也鄉居杜門讀書絕跡城市
身死而子孫不能自存

陳樂字九成閩縣人領隆慶丁卯鄉薦爲南靖學
諭善誨人遇貧生輒誡毋贄卽贄不內也歷兩雍
學錄轉大理司務稱冷局而樂泰如居官執法無
所徇久之或勸求善轉樂咲曰發也老而倚門乎
平生衣無采食無肉卧無帷帳所居蕭然環堵人
謂陳君良苦曰吾猶日飽太倉五斗何苦也亡何
卒于官幾無以歛其柩退澹泊有古人風云

論曰昔原思卻九百之祿孔子以爲不當辭蓋祿
以養廉國家勸士之常典也叔季而下忠信日薄
矯僞日滋敝衣羸馬以趨朝脫粟茹蔬而對客旦
夕以號於人曰清而貧也夫食君之祿而隱君之
賜深情厚貌飾詐釣名布被三公面垢竟日此汲

黜所以斥公孫弘蘇洵所以辯王安石耳古之君子貪泉可酌不改其操暮金可揮罔變其行恂恂然惟恐人知今之小人中爲跣而外爲夷矯之乎清而皇皇然惟恐人不知也乃世亦卒受其欺曾莫之覺迨乎華臙滯登肺肝畢露粘壁之蝸集腥之螿視其初豈翅涇涇哉林文恪先生舉世之病清者六要皆矚然不滓若三山數君子抱苦節之貞者也余復舉其欺世盜名以托於清是文恪之所未及者孔子曰惡似而非辨之不可不早矣

福州府志卷之五十七終

福州府志

卷之五十七

清操

福州府志卷之五十八

人文志六

前修

唐侯固字子重閩縣人太和初及第官至鄜坊靈武易定節度使同平章事固性仁厚雖談笑亦有規準鄉人愛之

宋謝德權字仕衡閩縣人父文節為南唐將拒宋師戰沒德權自南唐歸宋補殿前承旨咸平初以功擢閣門祗候歷都巡檢使供奉官內殿崇班終

福州府志卷之五十八

人文志六

前修

唐侯固字子重閩縣人太和初及第官至鄜坊靈武易定節度使同平章事固性仁厚雖談笑亦有規準鄉人愛之

宋謝德權字仕衡閩縣人父文節為南唐將拒宋師戰沒德權自南唐歸宋補殿前承旨咸平初以功擢閣門祗候歷都巡檢使供奉官內殿崇班終

西染院使德權有幹局善經畫朝廷興作之事悉以委之其持論亦每依忠厚爲巡檢使時會有誣執政與許州民陰構西夏者上命德權與溫仲舒謝泌鞫之按驗無狀德權等對便殿泌請追攝執政具獄德權曰大臣無罪不可辱如泌言則人君何以使臣上乃止不問嘗領護汴河分路築堤自爲大錐試築之虛實植樹數十萬以固岸基又建議廢京師鑄錢監徙西窰務于河陰大省勞費德權於時名能臣天子亦每嘉賞之但資狷急好興功利自矜其廉見官吏徇私者必面斥之又喜采察外間纖微以聞爲朝論所短

李彌大字似矩連江人彌遜之弟也崇寧間進士累遷起居郎試中書舍人宦者童貫宣撫永興走馬承受白鏐恃貫不報師期朝廷以貫故不之罪也彌大繳奏鏐坐除名彌大亦出知光州召入累拜禮部侍郎金人入寇與丞相李綱議城守不合罷未幾除刑部尚書爲河東宣撫副使以圖復兩河靖康末召入援彌大不敢進兵高宗卽位累官

戶部尚書兼侍讀呂頤浩視師以爲叅謀官不宜受詔出知平江府奪職後復召起至工部尚書坐事貶兩秩卒彌大兵事非所長屢用不效而好議論與物競故功名不及其兄云

李彌正字似表彌大之弟宣和初進士爲秘書省正字轉對言大臣進退之易實害治體又言古者創業中興之主必有謀臣任專責重憂勤逸樂與之終始今人才雖不及古願舍短取長擇忠實者推腹心任之則功可就緒矣上稱善命與脩神宗哲宗實錄官終朝奉大夫吏部郎中

林栗字黃中福清人紹興中進士累官兵部侍郎卒謚簡肅栗有治才喜論事金人請和約爲叔姪之國栗上封事極言其不可冬至將有事南郊遇會慶節有旨上壽不用樂迨宴金使又有權用樂之命栗言祖宗二百年事天之禮今因一介行人廢之天之可畏過於外夷遠矣又嘗上疏言今日國體於四百四病之中名爲風虛其言甚切栗立朝不無所裨但性剛褊好勝與朱文公論易不合

遂肆攻詆為世所貶

常挺字方叔連江人嘉熙二年進士歷官太學錄
累遷監察御史兼崇政殿說書疏言邊關三事朝
廷二事言皆切中時務遷太常少卿累官工部侍
郎為論者所攻以寶章閣直學士出知漳州召為
兵部尚書擢權禮部尚書進帝學發題官終叅知
政事封合沙郡公

國朝陳仲完名完以字行長樂人洪武乙丑進士
授延平府訓導文 益國縣學末樂初用為者擢翰
林院編脩侍

皇孫講讀仲完持身恭慎平居言如不出口至詩
論古今據理是非確不可奪

仁廟在 東宮嘗問其所長對曰職所當為不敢
苟有畏避

仁廟雅重之常謂侍臣春坊中淳實如陳仲完蓋
鮮

仁廟登極仲完前一年卒居贊善二十年不徙官
楊文貞為傳甚惜之

陳申字孟虜閩縣人博學善文詞工書與林子羽
鄭孟宣相友善洪武間薦爲衢州教授擢知安陸
州勸學均賦以廉能稱久之轉知潮州府有惠政
黃文政字子正長樂人永樂甲辰進士選南臺御
史官終山西按察司僉事文政剛果有爲號一時
賢執法

陳叔剛名張以字行閩縣人永樂辛丑進士宣德
初拜監察御史預修

成祖

仁宗實錄以勞遷翰林脩撰未幾守制歸正統初
服闋復起充經筵講官尋擢侍讀叔剛性溫厚居
母喪哀毀廬墓以文行重一時

方員字懋規永福人宣德癸丑進士以行人選御
史歷廣西叅政官終廣東按察使員嚴于持已在
廣久精法律政多便民而民懷之

高旭字時旭候官人宣德癸丑進士授吏科給事
中改兵科正統中權江西督學僉事景泰初罷各
省督學後卒于官旭蒞政寬恕議獄多所平反

李叔義字文宜閩縣人正統戊午以吏中式順天
歷廣昌訓導選南道御史官終貴州僉事年九十
九卒叔義執憲能舉其職工于詩亦善丹青人得
尺幅競以爲寶

鄭序字志禮長樂人正統壬戌進士歷刑部主事
兵部郎中湖廣叅議時列郡歲侵荆襄盜起都御
史督賦趣辦朝夕序寬簡如平時曰盜我得罪不
忍吾民顛沛也都御史以序非理劇才牒吏部更
任序遂乞休居家三十餘年年九十卒

林清源字用清天順庚辰進士鈍之子官終南京
工部主事性耿介有父風其弟大司徒泮及濬淵
皆從清源受學事之如嚴師泮別有傳濬淵字用
淵成化壬辰進士授刑部主事能持法不阿官終
浙江按察司僉事

林廷選字舜舉長樂人先姓樊林復姓也成化辛
丑進士授蘇州推官選監察御史按廣西平寇有
功詔增俸一級尋擢浙江僉事歷副使廣東按察
使左右布政入爲大理卿以右都御史奉勅鎮

兩廣不數歲遷南京工部尚書未上乞骸賜璽書馳傳歸有司月給廩歲給役卒 賜祭塋廷選爲人內明外寬議論依于忠厚始政蘇斷疑獄卽有能名在浙最久凡官舍所需必遣人於他省市之後觀風使者密廉有司強市民間物獨林按察無有也由是名益章南臺交薦滄陟大僚兩廣盜賊充斥廷選每專意招撫梗令者不得已而後征之家居杜門自守奉身約甚時或過其親故粗糲食之食也人以此多焉

王嵩字器之閩縣人成化辛丑進士授上饒令改樂陵選監察御史擢官大理寺丞奉 命覈勲臣庄田歸報稱 旨 詔增其俸正德間官至右都御史尋乞休 賜玉帶給驛歸卒贈工部尚書

賜祭塋卽爲樂陵時值歲饑賑救有方流民歸者四百餘戶邑人立祠祀之後位九卿以精法律稱子鍵

鍵字公度嘉靖乙酉鄉薦授常山令卒于官鍵大臣子輸家財以佐公費政清而惠常山人懷之

羅榮字志仁古田人弘治庚戌進士授戶部主事
歷員外郎中擢叅議廣東以勦寇功遷叅政尋轉
其司布政使調貴州卒于官榮居官以才敏著性
長厚愛人鄉人雖微賤必接以禮古田舊無城榮
為叅政時上議創築至今邑人德焉

陳則清字君揚閩縣人正德丁丑進士授泰州守
改祈州又調滁州南刑部員外坐誣謫判台郡未
幾擢守程番後以都御史巡撫雲南卒于官 賜
諭祭有司給其塋具則清三為州守俱有惠政在
滁賑荒全活甚衆滁人尤德之

項志德字尚之福清人嘉靖戊子鄉薦授青田教
諭擢吏部司務歷禮部員外郎中出為四川叅議
嘉靖三十四年倭入寇破福清城虜其子志德方
奉表入賀 萬壽聞之卽上疏丐歸志德為人
尚節槩重然諾平居與人語直而不阿雖諸公貴
人所嚴事者亦然居官所至以廉慎稱在蜀人尤
愛之其自京師歸也諸縉紳聞其事厚有所餽却
不受或謂君固清節持歸贖愛子庸何傷志德曰

諸公憐我固不責報吾奈何因家難以爲利也未
幾其子亦得歸

陳聯芳字以成閩縣人嘉靖丙辰進士司理金華
以廉平著聲選監察御史杜虜犯通州京師戒嚴
上防守五事

上嘉納之出按東粵鄉闈主試稱得人歷南太常
寺卿以京察自陳江陵相柄政不滿於聯芳遂令
致仕家居二十餘年卒 賜塋祭聯芳愷悌溫恭
奉身儉約雖處富貴布袍敝幘終其身若寒士云

薛曾字師孔福清人嘉靖丙辰進士初授中書舍
人歷吏部考功司員外四川副使廣西叅政曾真
誠坦直生平無僞言無僞行華亭徐相階知其人
轉銓曹曾視之若中舍然不能有所俯仰家人言
及產業者輒持杖擊走之久之出爲威茂兵備勦
平草坡黑虎諸寨蠻夷懾服鑿石洲以殺江流茂
州城自是無崩囓患西藩將吏士民信而愛焉居
五年轉叅粵西以病卒行李皆圖書諸子日稱貧
爲生猶不給云

陳應春字汝和長樂人嘉靖壬戌進士初令東陽
多惠政擢戶部主事扈從

莊皇帝謁園陵萬騎如雲應春視芻粟部署間辦
迄終事無譁者大司徒馬恭敏公深器之權關潯
陽淑立規制大駟不得羸縮其手出爲雲南僉事
歷廣東西副使叅政山東左布政使卒應春官粵
西有平寇功其在雲南也儒生楊霽訟其室人憑
於妖應春檄城隍神驅之三日妖遂絕火其祠滇
人御史李元陽爲紀其事

趙奮字庸卿候官人璧之弟嘉靖乙丑進士初釋
褐乞就廣文得温州學教授尋擢寧波府推官仁
恕不苛議獄多所平反召入爲給事中時有讜言
與執政不合出守廣平府廉慈之聲溢於畿輔舉
卓異受 旌轉河南督學憲副校士稱得人以疾
乞歸卒奮與其兄璧相友愛怡怡無間言叔季而
下鮮有儷者

施觀民字于我福清人嘉靖乙丑進士戶部主事
歷郎中出守常州常江南劇郡也簿書填委猾吏

為窟穴觀民至天刷宿蠹召其尤猾者庭詰之吏相顧駭服叔龍城書院拔雋異讀書其中又鑿河以當風氣癸酉常舉于鄉者三十餘人少宗伯孫繼臯為弟子員時觀民奇其文必魁天下明年廷對果第一人服其盛尋擢廣東副使歸而卒繼臯走千里入閩哭其喪

薛夢雷字汝奮福清人隆慶辛未進士授江山令擢御史出按蜀歷廣東僉事參議浙江副使參政雲南按察使布政使巡撫副都御史夢雷為令多

善政有投匿陷人者索其名烏有也一日檢訟牒墨跡相似召訊之其人驚服諸興利鋤弊甚衆分守海北殲夷寇破蜃賊勦亡命葉宗權等所斬獲無筭三受上賞及為滇左伯值逆克粹攻城索印撫臣計迫命藩司予賊夢雷力止不聽竟予之既而撫臣逮入京以夢雷為代因為言者所及歸待命於家尋病卒夢雷有經世才敏練通達盤根錯節迎刃而解凡宦轍所至平易近民民歌舞之在浙與滇最久去後兩地常見思焉始夢雷為江陵

張相國所舉士入爲御史江陵之黨有所囑弗附也遂一麾而出士論以此多之

盧一誠字誠之福清人萬曆癸未進士一誠久困諸生中後以貢舉順天鄉試遂登第授行人曹局閒無所事日閉戶讀書如諸生時恥逐隊向要津微善轉也益十年而始晉南度支郎又三年而出爲潮州守尋以病卒在潮年餘政尚簡靜與民休息潮人安之所著有四書講述十一卷學者多宗爲指南云

論曰君子之守先脩其身身不脩則萬善皆失二
山先進其蔚爲名臣休有烈光者上也次之若陳
仲完而後豈不稱好修之彥乎哉其間宣猷秉憲
建節分藩肅紀陳綱筭符剖竹雖其具有偏長任
有巨細要所樹立皆國之良而與世之汶汶者不
同年語矣易曰君子脩之吉小人悖之凶夫士也
脩之家而壞于天子之廷卽一時襲其榮名而千
秋懸其藻鑑庸違之悖固士君子所羞稱耳余之
論次蓋在此不在彼

福州府志卷之五

人文志七

循良

林高字子羽福清人大中祥符八年進士累官知廣德軍令建平縣縣素多盜高性慈惠喜怒不形於色政簡而民化之獄無繫囚累官屯田員外郎請老卒

孫奕字景山閩縣人皇祐元年進士歷知南陵海陵二邑呂誨知開封薦知封丘誨為御史中丞又

福州府志卷之五

人文志七

循良

林高字子羽福清人大中祥符八年進士累官知廣德軍令建平縣縣素多盜高性慈惠喜怒不形於色政簡而民化之獄無繫囚累官屯田員外郎請老卒

孫奕字景山閩縣人皇祐元年進士歷知南陵海陵二邑呂誨知開封薦知封丘誨為御史中丞又

永州府志 卷五十九
薦為臺推遷監察御史論新法不便為鄧綰所劾
出監陳州酒稅陳襄知杭州辟鯨判襄在經筵又
薦其事行著于鄉間節義信于朋友歷官所至以
善政聞可謂循吏宜使當一路以厚俗安民元祐
初除福建轉運使

蕭磐字安國閩清人紹聖元年進士官至朝請大
夫權知梧州軍管勾學事兼管勸農軍事提舉錢
鹽課農桑興學校百廢具舉暇則引諸儒飲射讀
法有古循吏風可休賜紫金魚袋

評份字子文將之子崇寧二年進士累官國史編
脩政和中簡功臣子牧郡份知鄧州政尚寬平囚
圜幾空改蔡州奉詔賑饑置場列室具器用鳴鼓
給食率三日一往問饑飽而察羸疾凡十月所活
二萬六千九百有奇一日洪水暴漲城幾沒矣份
登城祝曰政有失郡守溺死無恨百姓何辜翌日
水退改揚州值金人入寇檄路兵勤王解亳州圍
諸援兵至者撫馭有法莫敢縱剽掠維揚之民獲
安所至有善績時方漢召杜云

鄭強字南美候官人崇寧五年進士任萍鄉令清
心潔已勤問民疾苦邑素多瞽者強以縣治爲飛
鳳形鑿雙池於南以象兩目民遂無目病盧溪水
漲爲民害築隄障之民號鄭公陂有厲鬼爲祟剗
南源寺以鎮之患遂息遷知汀州興學校增餼廩
惓惓作人尤多所造就至今祀之

李芘字績仁閩縣人大觀三年進士靖康初待次
提舉兩浙常平州禁_之害其帥柳述古以叛芘徒
步諭以禍福卒感動請勤王自贖擢直秘閣建炎
間提點福建刑獄值葉儂入寇自古田攻子城豐
樂門芘冒矢石登陴諭之賊乃亟退范汝爲反將
東下鄉民張毅乘亂聚衆襲古田帥程邁請芘往
招之單車入壘使擒汝爲自効賊平除知泉州芘
居官屢有戡定功後終左中奉大夫

李廣文字夢授古田人政和二年進士廣文勇敢
過人始尉尤溪捕寇有功繼合浦城倅建安方臘
葉儂入寇俱爲廣文所敗嘗識呂頤浩於稠人中
辭秦檜糧料之職不與黨禍又出囚于獄使破賊

贖罪世服其畧歷官十六任皆有治績所至祠祀
之

劉正字道醇候官人知尤溪縣廉明不阿紹興初
建劍寇起正訓練民兵以保邑境民賴以安同郡
彭億字宋延紹興間亦知尤溪縣明敏有幹才隣
封盜起民多流竄募精兵固守賊不敢犯
林行可字可叔候官人乾道壬辰進士知尤溪縣
時值政務蠹壞銓曹無肯就注擬者諸司以行可
薦至官脩政事辨財計禁苛擾振士風其政治皆
可遵行其後黃揆繼之勤敏濟以仁厚理財撫民
不為表暴戶給人足而田里獲安揆字端甫永福
人乾道己丑進士

黃定字泰之永福人乾道八年對策有云雖有無
我之量而累於自喜雖有知人之明而傷於自恃
孝宗嘉其切直擢進士第一累官知潮州為政務
剴弊蘇瘵潮民德之官終國子祭酒直顯謨閣廣
東提舉有文集行世今祀潮州賢守祠

陳表臣字正甫永福人乾道中擢武舉知宜州以

循良稱時經畧張玠欲誣殺無辜邀功希賞表臣
獨執不可得釋者韋文仲等凡六十四名

陳曄字日華長樂人慶元初知汀州捐帑錢官田
助養學校減戶口食鹽價以紓細民作義塚千數
掩遺骼之亡歸者俗尚鬼信巫至是亡敢犯禁第
映繼之一守兄之法尤銳意振舉瓦五營屋千餘
間甃清流路百四十里曄嘗劄橋南山映為竣工
焉其先同郡陳粹知州事勸農養士亦多所興革
奏最為天下第三賜書褒寵之民稱晉安三賢云

趙紡夫閩縣人宋宗室也中法科歷大理評事出
知建寧節制往來兵馬時邑之筋竹洞為賊巢穴
紡夫單車入境撫摩制馭並得其宜繼合諸路兵
直入洞中掃除賊巢元惡授首邑境肅清尋陞判
本軍

林孝聞字質夫福清人慶元己未進士知建寧縣
為政廉明尤工於文常斥俸置田充學計號林公
莊

許應龍字恭甫閩縣人嘉定初進士累遷宗學博

神州府志 卷五十九
士理宗卽位再遷著作郎丐外知潮州時盜陳三
搶起贛州寇閩廣間勢熾甚又有鍾全者與三搶
合黨逼潮應龍蒐補親兵日訓練以備要害賊遂
不敢犯招捕司遣師齊敏率師由漳趨潮追贛餘
寇應龍謂曰兵法攻瑕今鍾全殘寇若先破全三
搶可不戰擒也敏用應龍策群寇悉平僚屬欲上
其功固讓乃止召爲禮部郎上聞其治潮親勞焉
拜端明學士簽書樞密院事卒贈資政學士銀青
光祿大夫謚文簡初應龍在潮治兵時邏者獲行
放數人疑其盜應龍不肯妄殺特鞫釋之居政府
亦不妄薦人

馮端榮字景莊福州人寶慶丙戌進士知崇安縣
勤恤小民病給之藥死施之棺嘗扁清慎堂以見
志邑民祀之

李角字定國長樂人寶慶進士累官潮州通判剛
明果斷決獄多所平反有遺愛于民

鄭公玉字潤甫古田人紹定五年進士官終朝請
郎潭州通判臨民有德政工於詩文尤好獎拔後

進

趙希譚閩縣人紹定中爲廣昌令聽訟理財談咲整辦百廢俱舉民不知役

陳塏字子奭候官人襄之曾孫也占籍嘉興端平二年登第累官右文殿脩撰知平江府兼淮浙發運使以戶部侍郎趙必愿舉最詔特轉一官遷大府卿官終端明殿學士謚清毅塏爲司農時嘗上疏請進恬退斥容悅以勵士大夫庶耻養難進易退之風知太平州請蠲諸郡灾傷又發公帑代三

縣輸折絲帛錢五十萬九千三百六十餘貫屢歷麾節軍民愛戴而尤樂薦士著可齋說稿二十卷陳容字公儲別號所翁長樂人端平進士官至朝散大夫初爲平陽令闢道路通溝洫議賑糴修學宮從容簡易而政脩務舉時集諸生敷衍經義士風大鬯暇則與佳士論文賦詩凡山川勝蹟多留題咏嘗爲賈似道招致賓幕酒酣輒狎侮之似道亦敬而不怒詩文豪壯尤善畫龍變化欲活世傳所翁龍也

林珣字自明福清人淳祐間知建寧縣爲政精明
吏不能欺存心愛民不科歛橫費而於學校尤加
意焉

陳登閩縣人淳祐間知新昌縣鎮之以靜撫之以
寬有豈弟之風踰年政清訟簡民懷其惠

吳秀發字宗魯閩縣人寶祐元年進士判饒州政
務便民尤留心獄訟嘗出犯罪吏民給之農具使
治生歲凶議賑有法所全活甚衆元兵南寇疏屯
田戰守事宜後以功進中散大夫光祿卿加松江
制置仍判州事

陳琥字少嚴閩縣人寶祐初進士爲南豐令臨政
惟痛繩郡吏嘗曰民不得安者吏爲之蠹也取吏
之巨猾曰三陳者斷手足以令於是群吏股栗百
姓歡呼有問者曰公以恕齋自號而竟不恕何也
對曰吾恕于民耳吏可恕乎識者以爲名言同郡
趙以孚字用甫寶慶初亦令南豐承嚴密之後一
以儒雅寬大撫柔其民崇學校簡刑役邦人亦懷
之

李大訓字君序閩縣人父士龍仕至直奉大夫直
秘閣以老居里中喜誨誘後進鄉人稱之大訓初
為廬陵丞歷知安遠龍泉二縣俱有能聲後再知
歸善則務省事教民為政視俗所宜論者謂其儒
而不腐吏而不俗云

洪振龍閩縣人為建寧縣尉剛明不可犯時有大
辟邑令欲混貸之振龍以為不可竟直其獄所至
屏絕餽送鷄犬不驚

元林興祖字宗起羅源人至治間進士累官知鉛
山州鉛山豪吳友文造偽鈔輒殺人滅口家累巨
萬歷數守無敢發者興祖至廉得其狀遂寘之法
並誅其黨二百餘人州中稱治擢道州路總管會
獮寇道州湖南副使哈刺帖木兒屯兵城外不肯
救將避去興祖說之以乏軍儲為辭必得鈔五千
錠銅盾五百乃可破賊興祖許之旦入城勸諭鹽
商貸鈔五千錠取郡樓舊銅板為盾日中皆備以
賂哈刺帖木兒大喜師乃留賊聞遁去永明縣洞
徑竊發興祖手榜諭之皆曰林總管廉而愛民不

福州府志 卷五十九
可犯也三年不入其境州常旱有虫食麥爲文以禱忽大雨三日螟盡死人以爲神

林泉生字清源永福人天曆中進士授福清州同知轉泉州經歷漳州推官擢知福清州累官翰林待制行省郎中爲翰林直學士知制誥卒謚文敏泉生邃於春秋工詩文多權畧有將帥才前後在福清屢建武功始爲同知適山海寇充斥悉以計殲之及爲守會紅巾寇連江帥府檄泉生禦之乃創保甲置屯柵立誅鹽丁謀亂者七人捕殺長樂

爲內應者三十餘人先發制之賊遂驚潰不能爲害又善於聽訟能悉物情在泉州民負酒稅繫者多庾死泉生至悉破械出之獄中令船商私釀者代償之司理漳州金洞相戒勿犯福清俗多好殺孤幼誣他人求賄不則訟于官泉生立連逮親隣法民自是不敢犯矣泉生時號能臣然以志畧自負不能下人以此多得謗著有春秋論斷及覺是集行于世

國朝趙景純名明以字行閩縣人洪武間以國子

生擢雲南道監察御史言事件旨同列七人俱棄市

大祖獨奇景純狀貌黜為民乃更名李潛又隱于閩清十五年會大赦出薦為閩清縣學訓導尋攝縣事

大宗登極朝京師擢知上饒縣景純上表乞養母不允在饒正風俗均賦役察奸蠹息盜賊脩學校治橋梁視民事如家事未及一考卒于官篋僅一金貧無以歛邑人哀之立廟祀焉

江西通志作趙景純

王堅字子正長樂人洪武初辟至京師試文章高等授湖廣按察司僉事坐事左遷澤州知州在澤蒞政勤慎興學教民頌聲大著用薦者待詔翰林尋除刑部郎中尚書開濟弗善也濟時有寵言於上謫堅嘉興同知佐郡舉其職出獄囚無辜者六十餘人未三月放歸田里

見山西通志

曾寶字楚善福州人洪武間以監察御史出宰鄱

陽縣政治之聲著於江右

見饒州府志查三三山選舉科第俱失其名

陳霖福清人洪武初知許州會歲歉民多流徙導

湖小所志 卷五十九
湖水注別壑縱民取魚藕自給所賴全活甚衆既
滿去吏民思之見河南通志

林永齡候官人洪武初知廣昌縣在官清慎蕭然
如布衣愛民如子惟恐失所民亦愛之如父母焉

見建昌府志查三山選舉科第俱失其名

林端福清人洪武初由選舉知玉山縣廉介有爲

愛民如子門無私謁而常好接賢士以咨詢民瘼
陞刑部主事廣信志作福州人

陳祖字富文長樂人洪武初以明經薦授新繁丞

有老嫗孫爲蛇所吞哭於途祖牒城隍尅日捕蛇

至期果有群蛇集祖廳下祖曰無罪者去獨一大

蛇不去若伏罪狀以劍仰刃置地蛇乃就殞民以

爲神後擢光山令見大明一統志

陳仲進字伯康長樂人洪武中由秀才授宜陽丞

攝孟津最調韓城居久之擢知江山縣仲進敦尚

儒雅有惠愛興學勸農吏民安服以述職卒於京

歸葬其地子孫遂附籍江山見江山縣志

陳良字從時長樂人洪武中以明經薦授吏部主

事永樂初與同僚蕭儀因天變陳言忤旨下
詔獄儀死良謫交趾尋復官遣閱遼東又陳軍中
弊政四事當事者忌之出判嚴郡舟行有大蛇隨
之良曰是必有婦人寃者比到官訊鞫得情遂釋
之人以爲神性友愛與諸兄弟分產田取其瘠者
有古人風

張惟康永福人由選舉洪武中任武強知縣廉能
幹濟寬厚愛民後以代去民頌之不置

一統志作
開縣人

鄭珥字孟文福清人洪武乙丑進士授監察御史

坐事忤旨調令吳縣吏民畏而愛之以治行卓

異復入爲御史按廣西卒官

見姑蘇志

胡龍閩縣人洪武戊辰進士任星子知縣廉勤公

正蔬食布衣除革吏弊民深德之擢監察御史

見江

西通志

陸引字惟遠羅源人性鯁直洪武中有薦其材者

上問爲政治民之術引對大稱旨遂授象山縣

丞給之以符有曰徃盡乃心勤乃事他日來覲朕

將合焉以考爾職其敬之哉引小臣天語叮嚀

驚喜過望之官鋤強植弱吏畏民懷常俸外一毫不取視事二年計口植蔬家人蓋不知肉味也以勤民事積勞卒先一夕城隍守廟者寢夢傳呼甚喧新城隍乃陸丞也驚覺走縣問之而引絕矣見

波府志

林源字士仁長樂人洪武二十年以貢中應天鄉試永樂初知餘杭縣首興學校勸課生徒科目得人為盛均賦役緩催科凡部使行縣詢林令莫不以公勤廉敏稱云見

見杭州府志

阮嗣字繼之一字宗彥連江人洪武甲戌貢入太學宣德二年授連州判官興利除害卓有政聲先是州累歲苦劇寇譚應真聚劫為害嗣親諭以禍福悉納款歸化境內戢盜擢戶部主事州祀之名宦後歷河南叅議交趾布政以老丐歸見

見連州志

李騏字孔逸福清人洪武丙子鄉薦第一初授陵水教諭選刑科給事中坐事謫景州學正大學士楊榮薦其賢擢弋陽令公勤廉慎吏畏民懷見

見廣信府志

蕭福福清人洪武末以儒士授嘉興縣典史福廉勤寬恕爭訟者咸稱其平雖處卑官而理劇餘閒讀書講學不輟也永樂元年又補樂安典史其聲無改於嘉興尋擢為監察御史

見嘉興樂安二縣志

李興字希傑懷安人永樂初以國子生授太平府推官廉慎公恕入為戶部郎擢知嚴州府寬以撫民嚴以束吏設量衡于市以平交易催科度緩急預懸之期而民不敢後閭里無驚呼之擾改知廣

州府行李蕭然

見嚴州府志

林直字汝實閩縣人永樂乙酉鄉薦授慈谿令秩滿擢江寧嘗上言時事文廟嘉納之以疾乞補外改宜興能勤於其職妖賊龔伯諒詞所連甚衆真辦釋八十餘人

吳復字克禮閩縣人永樂間知邗授太平府豐濟倉大使擢海鹽簿改吳縣以才著遂擢為令歷官工部郎景泰初超拜通政轉工部侍郎遣治河決還報稱旨命督易州柴炭廠居久之天順七年以年乞骸易州吏民詣闕奏留後屢上疏又屢

乞留復乃丐省墓 朝廷知其意遂下復前章得

謝大學士南陽李文達以文華其歸

見嘉興府志

劉麒字伯禎閩縣人永樂乙未進士授御史宣德初知南康府作興士類勤課農桑政治聿興士民

愛而戴之

見江西通志

陳灝字繼周長樂人永樂丁酉鄉薦授松陽訓導改封川擢監察御史疏劾左右姦貪寘于法以僉事督學山西轉陝西按察使致仕初灝為教官時同郡嚴烜薦其才于朝及灝為御史舉職故世

以烜為知人

林元美名鏐以字行閩縣人永樂辛丑進士授上猶令重建縣治脩舉百廢民畏而懷之擢知寧海州天順元年守撫州以廉靜鎮浮俗忠謹醇慤政通人和去後立祠祀焉初在寧海途遇二僧偵其盜也亟收之果他郡越獄者人以為神其在撫也徵士吳與弼獻金井水玉壺冰六字以況其清節武林于肅愍公謙素相引重元美致政歸書四知字贈之謂其二三知邑州郡皆九年而卒知幾以去

云見江西通志
撫州府志

陳復字昂初懷安人永樂甲辰進士歷戶部郎正
統四年以薦知杭州廉明簡靜訟獄大減公庭無
事日坐堂上讀書時或與群吏講解律令杭劇郡
也復處之裕如會以憂去遮留者數千人省臣上
聞詔奪情視篆未幾卒杭民罷市巷哭貧無以歛
民競致賻其子不受泣曰吾父生平清白詎可歿
而污之按察使軒輓為歸其喪見杭州府志

葉光閩縣人永樂間以明經為南海簿蒞政初每
事遜於尹及攝邑廉明吏不敢欺民歌之南海簿
性不貪百鳥鳳人中難見廣東通志

鄭建字弘中懷安人宣德庚戌進士改翰林庶吉
士

宣廟親試諸葛孔明可與興禮樂論擢建為第一
未幾授南雄府通判郡民苦徭役多逃竄建奏蠲
逋招使復業改處州專蒞銀鑛民爭訟累年建為
均其役爭息課完閩寇鄧茂七反侵掠浙境建分
守龍泉率民兵偕其子黼力戰數月斬首五百餘

級復奉尚書石璞檄殲除餘孽建又直搗巢穴散

其脅從還所虜男女二千餘人有司上功陞本府

同知食三品俸官終浙江按察司僉事致仕卒

林渭閩縣人宣德元年鄉薦正統中知海豐縣停

篤而介吏民不忍欺在治未三載利興弊革庶務

一新卒于官 見惠州府志

孫珏候官人以貢宣德間知鉛山縣清勤仁肅秩

滿當代民不忍其去起闕丐留復再任前後幾二

十年珏嘗植松於壇廟今皆林立思其德者以比

甘棠 見廣信府志

李燦字子珍福清人正統己未進士授萬載令轉

判衡州燦居官寬猛得宜所至民訟為之衰息雅

重教化禮遇諸生士論翕然歸之觀風使者韓雍

薦其廉能干 朝後卒于官 見袁州府志

王英字孟育候官人正統壬戌進士歷南京兵部

戶部郎中成化初擢叅議廣東會歲侵雷廉高肇

四郡盜大起都御史韓雍檄英賑之英立法平糶

四郡賴以濟又與雍謀立饒平縣控盜區由是賊

遂衰息廣人德焉官至雲南參政致仕英性恬淡不事表暴所至以廉勤著既得謝杜門不出二十餘年

林錦字彥章連江人景泰庚午鄉薦授合浦訓導素知兵時廣寇充斥巡撫葉盛聞錦名檄攝靈山未幾遂薦為令詔許乘驛之官錦單車叩賊壁前後諭降二十餘壘又縱兵勦其不服者斬獲無算督府上功擢同知廉州又用都御史韓雍薦擢按察司僉事賜 璽書專守廉進秩副使錦完城浚

立營堡練士卒賊遂不敢犯又以廉通諸邑水陸險遠為闢道梁舟所在積穀備歲歉貽廉數世利廣人深德之錦負雄畧臨事果於有為而謙抑自持能甘澹泊莆田彭韶常稱其清操可質神明林璟字繼文懷安人景泰辛未進士初授御史後左遷曹州同知才識明敏雖案牘紛委剖決如流時稱老法司

見山東通志

邵銅字振聲閩縣人景泰甲戌進士授監察御史巡視京城督兩浙鹽課大著風裁

英廟復辟曹吉祥石亨擅威福與同列連章劾之上怒下錦衣獄謫知壽光改博羅蒞政嚴明門無私謁釐革弊竇吏卒不敢為姦嘗督造冊籍括為易見圖至今博羅傳以為式撫臣薦其賢擢知温州府後致仕卒

見惠州府志

張濬字文哲閩縣人天順己卯鄉薦授寧國教諭改四會擢饒平令濬學有實用其治饒平脩教令興學校庶能公恕人不敢干以私時斗老謝全頑梗亂政濬笞殺之全于訟當道濬不自白鬱惋病疽卒家人垂橐歸民思之祀于名宦先是濬在會曾有海寇濬以策于總兵陳銳督府識其名至是海寇充斥撫臣檄督揭陽四邑兵禦之賊平功未

錄人惜焉

見潮州府志

王俊字世英閩縣人成化丙戌進士改翰林庶吉士授戶部主事以養歸復起擢知袁州俊為治持大體吏民始畏憚久而懷之凡脩學宮浚水利為袁人久遠計滿九載遷叅政廣東撫化徭種廣人

深戴其德

見袁州府志

鄧珙字弘中閩縣人成化丙戌進士令常熟為政
嚴明鋤強扶弱邑有巨豪馬凱每令至即結以厚
貲恣其暴橫珙箠殺之民稱剛果都御史畢亨疏
其賢者民史信等詣

闕乞留 詔下旌異之後入為戶部郎中官終貴

州叅議 見姑蘇志

鄭琳字文玉閩縣人成化戊子鄉薦知象山縣性
剛方廉介執法不阿權貴無敢以私干之屠太宰
目曰此硬頭官也時人呼為鄭硬頭孫逯字世美

嘉靖庚戌進士仕至江西叅議剛介不能俯仰綽

有祖風 見寧波府志

李燁字文暉閩縣人成化壬辰進士選御史以言
事謫武陵丞清白自持釐革姦弊郡有劇盜民訴
之官輒以賄免燁至察其情悉寘于法武陵路當
四達民疲於傳送疏請所轄州郡分其勞費民甚
德之尋飄然乞骸骨垂橐而歸 見湖廣通志

楊徹福清人成化八年以監生知遂溪廉潔寬和

政脩事舉民胥頌之 見廣東通志

陳景隆字如初長樂人成化乙未進士授武康令
改德清選監察御史擢山東僉事守制歸卒景隆
襟度坦夷號為長者而居官廉介有立為縣令時
中宮奉使倚勢橫索景隆拒之吾官可去剥民媚
人不可為也在臺彈劾無所避今武康德清俱祀
名宦

宋宣字世達候官人成化乙未進士官定海持
已廉馭下肅吏不能欺值歲旱徒行百里禱雨輒
應用按察使楊繼宗薦擢戶部主事 遣權鹽闕

廣巨商無敢以私浼者未幾卒官

見鹽
波志

林璿字衡玉閩縣人成化戊戌進士授膠州守改
莒州擢南京戶部員外郎後歷官遼東苑馬寺卿
致政璿再為州俱有善政在膠斷疑獄脫無辜甚
眾莒值歲饑賴以賑救二州人皆立祠祀之
見膠
州志
陳崇字德崇懷安人成化戊戌進士授樂平令樂
平舊俗生女輒不舉婚娶多違禮崇嚴禁之又著
厚倫正俗二篇示民由是俗稍變擢監察御史奉
命按應天發姦摘伏人稱神明崇性純謹而遇事

剛果不避難同列彭程嘗以言得罪崇具疏論救
深爲時議所韙

黃源大字子通閩縣人成化癸卯鄉薦正德初任
襄陽府學教授學博行廉嚴立科條教諸生日夜
不怠一時登進者多出其門轉知瑞昌縣興利除
弊介然無所撓政聲籍甚教諭魏暹採其事題曰

遺德十蹟

見湖廣江西通志

葉仕美字邦彥閩縣人成化丙午鄉薦正德中知
蘄州耿介明毅見忤宗藩不爲少屈流賊入寇單

集兵禦之城賴以全

見湖廣通志

阮時懋字勉夫閩縣人成化丙午鄉薦授訓導擢
令宜山鋤強發姦無所畏避居久之轉慶遠判慶
遠苦洞夷時出殺掠郡人聞時懋至喜曰是鐵宜
山也吾屬無患賊矣時懋爲設方畧禦侮又請于
其上築四關土垣保障之功至今賴之後擢思明
同知未任卒

陳元憲字一童連江人弘治己酉鄉薦授崇明令
先是邑有施氏紐氏皆豪族也因爭田各聚衆千

餘官捕急懼誅遂航海為盜元憲至諭令復業事
聞 詔賜金幣旌之擢臨江判會大帽山賊掠諸
郡縣元憲以兵討賊俘獲甚眾內有五十餘人販
商也為賊所虜太守疑其賊黨元憲鞫實悉縱焉
元憲有吏才而存心仁恕所至人深德之後遷雲

南提舉以親老丐歸

見臨江府志

李廷儀字鳴鳳閩縣人弘治庚戌進士授定海令
有惠政滿九歲遷判順天府外戚奪民田為直其
事以田歸民忤外戚謫六安州同知屬邑霍山饑

巡撫牒賑所全活甚眾用救荒勞擢貳南安南安
嚴郡也賊阻山谷時出剽掠募能走險者帥之進
討俘斬五百餘降渠魁陳白能等數千人督府攘
其功耻于自言遂以老疾引歸廷儀為人愷悌率
諸無他腸雅嗜酒善聲詩內行純至篤于天倫少
乳于丘嫂母事之嫂沒哀慟遂至感傷不起云子
源舉鄉薦官至嘉興通判有詩名

見寧波府志

王介字節父候官人弘治壬子鄉薦授婺源訓導
轉令咸寧改江夏擢廣州府判正德間知全州忤

貴人意以為武定軍民府同知未幾竟坐前事罷
 介為人剛正而果於有為所在人懷之歷二縣令
 民以其不阿也號鐵尹去之日老幼扶携追送依
 依泣不忍別判廣州百姓歌之金玉滿萬難得府
 判全州有光祿丞唐夔者橫於鄉介稍裁以法夔
 蔣少宰姻也遂入其讒歸僦屋居無擔石儲子鏜
 進士官至吉安同知兄子鏞字鼎文正德己卯年
 鄉薦授沔陽學正歷官刑部郎中卒鏞通曉世務
 嘗守壽州有惠政都御史下其法列郡家居孝友

鏜少孤實撫而教之見湖廣通志

黃澍字文澤鎬之子以陰入太學領弘治壬子順
 天鄉薦歷姚安知府澍守郡清平明恕建棟川書
 院以課生徒購朱能劇盜以雪冤獄郡稱神明見

南通志

雲

何繼周以字行閩縣人弘治壬子鄉薦知萊蕪縣
 廉慎有為訟無留滯時有姦民暴橫悉寘于法境
 內肅然嘗建書樓以教生徒旱蝗齋禱天雨蝗盡
 死遷知膠州民為立石官終南昌府同知見山東通志

傳顯字達夫候官人弘治壬子鄉薦出守武崗州
顯仁恕明允民至其庭者一見不忘有司六事無
不脩舉暇則與諸生辯疑解惑有古循吏風其居
家也以孝友稱夙為鄉評所重

見湖廣通志

陳文試字道衡長樂人弘治丙辰進士授臨川令
首除豪猾政聲大著選監察御史際 孝廟勵精
治道樂聞讜言文試陳敬天修學十二事多見采

行

見撫州府志

謝廷瑞字邦應長樂人弘治壬戌進士知瓊州府

守郡數載有經畧而心事炯然威懾峒黎民藉帖

席瓊之父老稱為百世牧慕

見瓊州府志

李時儀字端夫長樂人弘治間以貢知穎上省刑

薄歛不阿貴勢邑人以板李目之編戶增為一十

九里民至今頌其善政

見穎上縣志

林高羅源人由歲貢弘治間任陽山知縣勞心撫
字政尚寬和縣自改設以來凡草創高悉心綜理
視邑如家縣署學宮罔不新飭邑之良吏以為首

稱

見連州志

福州府志

卷之七十九 循良

七

三十一

鄭餘慶字崇善閩縣人正德丁卯鄉薦爲定海令
勞心撫字不務繁苛嘉靖初島夷入貢構隙倡亂
慶繕城隍嚴備禦境內獲全又爲建閘作碶灌溉
民疇脩學置田作興士類獎繆廉五世同居以風
頑囂歲饑發廩陳救荒十事以賑貧困用積勞卒
民哀而懷之餘慶少孤奉母至孝大母欲以先業
多分叔父子餘慶請于母承志弗違舅氏以屋售
旣受值矣母色不怡餘慶卽以券還舅士大夫私
謚之曰恭孝

見寧波府志

陳伯諒字執之福清人正德戊辰進士初知崇德
縣嚴制豪強痛繩姦猾訟獄衰息廢墜振脩境內
肅然民不知擾以最入爲監察御史督學南北畿
甸多士服其公復以爲四川督學副使未上卒中

外惜之

見崇德志

陳坡字克榮懷安人正德庚午鄉薦任高明知縣
嚴明果斷吏不敢欺築隄防勸農桑興學校脩廨
宇賊劫小峒等都坡率兵禦之斬首十餘級又誅
道賊區克巳等二十餘人境內遂安戢

見肇慶府志

林繼顯字德純閩縣人正德癸酉鄉薦嘉靖初任

新寧知縣尚教化省刑罰均徭役舉廢墜廉介之

操八年如一日百姓思之為立碑以志愛見湖廣通志

張文造古田人弘治乙卯鄉薦授新寧令先時邑

多盜民卧不帖席文造至始為方畧革去總甲設

鄉長總統之村長分統之各鄉動息月朔必關報

民間有不法無不先知者以故令行禁止盜息民

安踰年卒民撫膺嘆曰天若假令以年吾夜戶可

無閉矣見廣東通志

陳毓賢字則英長樂人正德丁丑進士歷工部郎

權陝西叅議轉兵備山西終廣西叅政毓賢有治

劇才為工部以濬漕渠勞超拜陝藩兵備地傍塞

毓賢又曉暢軍事邊境賴之代王左右欲於冀

北界鑿河溉庄田毓賢不可賂以黃金數十斤危

言拒之乃不敢強在廣西有軍功未上卒居官二

十餘年橐無長物

林士元字世仁閩縣人正德己卯鄉薦知香山縣

士元寬厚慈愛每聽訟恬聲與之細語盡得其情

久之民益相親如家人父子然一訊即吐其實矣
學宮在蓬峰山下科第久缺為改建城中自是賢
書相續有行部者索之賄士元奮衣起曰朕民脂
以奉上吾死不為也遂以母老乞改教竟為所尼
遷審理致仕歸見廣東通志

高應禎字貞甫閩縣人正德辛巳進士初知湘潭
縣時安攸流賊越境嘯聚禎多方緝治境內獲安
而尤興學育材創書院與生徒講學其中邑有祠
廖道南為之記見湘潭志

林庭柯字利高翰次子以蔭入太學授南京都事
擢經歷慶遠知府出牧遠方能以清靜宜民滿九
載將赴吏部卒于途行李蕭然慶遠民思而祀之
吳世澤字宗仁連江人嘉靖癸未進士由郎署出
守嚴州世澤明慎練達興賢勸學節用愛人時遂
安礦徒猖獗親搗其巢擒之衢婺大水豫為之備
民賴以安擢廣西副使見嚴州府志

李性字仲復長樂縣人嘉靖癸未進士初任東莞
縣不以家累自隨政尚平易而公庭肅清吏胥望

而畏之時勢豪奪海利性追而歸之蛋民徃役悉

均里甲不擾稱良令云官至辰州知府

見廣東通志

高廷忠字允卿長樂人嘉靖乙酉鄉薦令奉化首

剗法之不便於民者十餘條每日戴星出入不務

釣名惟順人情宜土俗期於政行事集而已尤能

節用不濫費不苟取有饋海錯而潛置金其中者

即默返之不揚於衆其貞以律已而容人之過類

如此值夏旱屏蓋步禱九五日雨如注民賴不饑

其兢兢自守六年如一日也民德之為立祠以祀

見寧波府志

陳京字世周懷安人嘉靖丙戌進士由大理寺正

出知金華府政持大體不事煩苛嚴禁溺女所活

者以千百計郡有勢宦請城中隙地京曰是安可

以與人乎當道檄與之竟不聽城內四牌坊久廢

京伐石復建或曰鐫巨宦姓名乎京曰吾守郡則

經野恤民通商惠工吾事也鐫此何為於顯要一

無所徇暇則作書飲酒以自適而已當道有議其

不事事者遂飄然解組歸

見金華府志

王德溢字懋中連江人嘉靖丙戌進士初授慈谿知縣清介自持謙恭下士里有去縣遠者盜賊充斥親臨緝獲又擇其子弟可向學者考校獎掖以鼓其趨嚮頑之俗一洗又濬杜白二湖以廣灌溉民戴之如父母應召去老幼泣送于途擢監察御史官終廣西僉事

見寧波府志

王時中字執之候官人嘉靖戊子鄉薦初署順德諭師範端方教人必以求放心為要因號心齋諸生敬而信焉尋遷陽朔令擢守橫州行政廉平斷獄多從寬恕作興士類愛惜民財橫人戴之如父母後以簡於承奉改調歸途終養不出

見廣西通志并廣州

府志

鄧遷字世喬閩縣人嘉靖戊子鄉薦令香山首下車即峻繩里胥贄餽一邑肅然縣多寄莊另立順德新會等都推才幹一人為領細賦役盡完脩建書院暇則與諸生講學其中政教兼舉治行最于諸邑陞嘉興府通判署嘉善有築城功

見廣東舊通志

陳子文字在中閩縣人嘉靖己丑進士授麻城令

轉戶部主事歷員外郎中擢知長沙改池州官終
湖廣按察司副使子文精敏沈毅始爲麻城麻城
俗喜訟號不易治子文綽然有餘老吏猾胥縮手
不得取民一錢隸卒立庭中凜若木偶期年縣內
稱治俗爲之變後擢他官并爲郡大抵治倣麻城
在湖廣以勤民事卒初子文父鏹雅有知人鑒教
論貴溪識夏相言於諸生中及子文貴夏相以通
家子欲致門下子文回謝避夏相怒遂不復省錄
士論以此尚之

林恕字道近長樂人登嘉靖己丑進士授江西知
縣歷都察院經歷擢守雷州後官終雲南按察使
恕在雷有惠政濬湖渠築海隄爲民利鋤強扶弱
不避權勢郡人鐫石于庭紀其績

見廣東通志

王子聰字汝達閩縣人領嘉靖甲午鄉薦初知於
潛縣清勤守官不取一錢而民間利病微隱畢見
邑號爲玉壺氷破天目山大盜鮑暹邇等斬獲賊
黨二百餘人御史舒汀薦治行第一未幾丁艱去
再補景寧縣其治猶於潛遷任日行李蕭然兩邑

人俱祀之名宦

見於潛景寧志

陳元珂字仲聲懷安人嘉靖乙未進士初以戶部郎謫判德慶州擢南雄同知視郡篆擒妖賊陳永富楊天慶等擢金華知府政尚嚴明重風教舉鄉約一時稱治陞寧紹兵備建狼牙營築餘姚城佐督府胡宗憲殲賊于海上餘黨攻舟山督府檄元珂監軍破之擢湖廣參政會有齟齬督府者元珂俱報罷庚申福州三衛卒變偕侍郎馬森出諭之衛卒隨定

見金華府志

李丕顯字憲文長樂人嘉靖乙未進士丕顯初以舉人署休寧教諭操行廉正日集諸生談經較稅士悅而心服之既登第知永嘉治劇理煩愛民養士賢聲大著擢南京監察御史官終贛州知府

見徽

州溫州二郡志

翁世經字可直福清人嘉靖乙未進士授戶部主事歷員外郎中擢梧州守官終廣東布政世經峻潔有才在郎署著聲為郡釐剔積弊梧人稱便撫臣至下其法為列郡式秩滿三歲觀風使者奏留

之郡立祠以祀

見梧州志

王繼芳字師啓閩縣人嘉靖庚子鄉薦知仁化縣

操行廉介首以興學愛民爲務事持大體動必以

正捐俸建濂溪書院日集諸生講業其中民始畏

而終懷之建碑以紀其績官終永定知州

見仁化志

李庶字李卿福清人嘉靖辛丑進士官至刑部郎

中初知金華縣守正奉公抑強扶弱時有柄臣北

土道出蘭谿郡邑皆往候庶曰勞民傷財以庇吾

官心竊耻之竟不往上官有所過私相戒曰無令

李知縣知也甲辰乙巳兩歲大饑庶竭誠祈禱發

廩平糴全活甚衆邑人德之祀名宦祠

見金華府志

周文燦字伯熙閩縣人嘉靖癸卯鄉薦知三水縣

守廉潔而政寬平諸不便於民者毅然去之營建

遊舉民不告勞上官高其能薦知六合縣

見廣東通志

石磐字民漸長樂人嘉靖丙午鄉薦初令臨淮公

審編省里甲招還流亡甚衆有吏部子經其邑家

奴過索夫役破儀門磐笞之繫于獄留守太監令

向伏謁磐絕不與通太監遣人來訶責磐亦笞之